



Australian Government



PHLN

Public Health Laboratory Network

FA'AFEFEA ONA AO MAI E OE LAVA LE COVID-19 SIPESIMENI

O lenei ta'iala e fa'aalia ia oe pe fa'apefea ona fa'aaoga se vavae e aoina mai ai se sipesimeni o le manava mai lou fa'a'i ma le isu mo su'ega. E tatau ona e fa'atoa aoina mai se sipesimeni pe a fai ua fa'atonuina oe e se foma'i, ofisa e faia su'ega po'o le nofoaga e aoina su'ega.

O le Public Health Laboratory Network ua o latou saunia nei ta'iala ia fesoasoani ai ia te oe.

1


Sauniuniga

- Fa'aaoga le vavae lava e tasi e su'e ai lou fa'a'i ma le isu. O le a tu'uina atu e lau foma'i po'o le vaega o le soifua maloloina e ofaina atu le tautua, le vavae.
- Fufulu lima pe fa'aaoga le sanitaisa i ou lima a'o le'i aoina ma pe a mae'a fo'i ona aoina lau sipesimeni.
- Ia i ai se mea e oomi ai i lalo le laulaufaiva (se fasi laupapa mafolafola ma manifinifi e pei o se la'au aisakulimi) ma sauni se fa'ata.

2

Vavae mo fa'a'i


- Ave'ese le paipa i fafo o le tagapepa, fa'alusi le tapuni ma fa'atu le paipa i luga o se mea mafolafola ma mau lelei.
- Ave'ese le vavae i fafo o le tagapepa. Aua le pa'i atu i le pito vaivai.
- Fa'api'o i tua lou ulu i luma o le fa'ata ma fa'aaliali mai i fafo lou laulaufaiva. Fa'aaoga le fasilaupapa manifinifi e oomi ai i lalo le vaega i tua o lou laulaufaiva. E tatau ona e va'aia tisiu i autafa o lou fa'a'i.
- E aunoa ma lou tago atu i itu o lou gutu po'o le laulaufaiva, sa'eu lemu tua o lou fa'a'i ma tisiu i autafa o lou fa'a'i.
- Ave'ese le vavae i fafo e aunoa ma lou tago atu i isi vaega o lou gutu.



3

Sa'eu itu e lua i autafa o lou fa'a'i


- Fafao le itu vaivai o le vavae lava e tasi 2–3 cm i totonu o lou puisu muamua (pe vagana ua e lagona le fia tete'e atu). Ia mautinoa o le vavae e fa'alava lelei i le itu i lalo o lou puisu.
- Ia sa'eu lemu feliliuia'i fa'afia le vavae.
- Toe fai lea lava gaoiga i le isi ou puisu.
- Aua le tu'ua i lalo le vavae.



4

Teuina ma tilivaina le sipesimeni

- Ma le fa'aetete, fafao le itu vaivai o le vavae i totonu o le paipa. I nisi fa'atonuga mo su'ega, e tatau ona e ave'eseina le tausi'usi'uga o le vavae. O le a fa'aalia i luga o le vavae le itu e vavae'ese. O fa'atonuga mo su'ega o le a ta'u atu ai ia te oe pe mana'omia ona e faia lea mea. Fa'apipi'i mau lelei le tapuni i luga o le paipa ina ia leai se mama.
- Fufulu pe fa'asanitaisa ou lima.
- Tusi au faamatalaga i luga o le pepa i luga o le paipa ma tusi le ituaiga sipesimeni na 'aoina e oe lava'.
- Ave le sipesimeni i lau foma'i po'o le ofisa tautua a le soifua maloloina, mulimulita'i ia latou fautuaga e uiga pe fa'afefea ona tilivaina lau sipesimeni.



O le PHLN na o latou fa'alauiloaina ta'iala fa'apitoa i le aoina o sipesimeni e su'eina mo le SARS-CoV-2 (o vairusi e mafua ai le COVID-19). O a latou ta'iala o lo'o i luga o le **Matagaluega o Soifua Maloloina 'upega tafa'ilagi**.

Foliga va'aia o puna'oa: <https://www.cdc.gov/flu/professionals/diagnosis/index.htm>